

第 一 期 川

新嘉坡年十一刊
西曆一千九百二十年正月

出版

南

風

集益修書社叢書

印刷所河內東京印館



御賜詩

創立人

月出一冊

版權

第卅一期要目

纏鼓南風甫半週

絃聲洋溢一方球

帶將霜露培新美

吹散雲煙破舊愁

扶鼎以絲名在漢

獲麟著筆義猶周

青山綠水風徐遍

不僅頑夫與薄夫

全權府政廳司長馬迪

鴻臚寺卿

阮伯卓

翰林院著作范瓊

全年四元

不許

每冊四毛

轉載

半年二元

所有

振整商場問題

十

銀行之業務

六

振整官場問題

一

編輯部在河內行丸舖

第一百廿四號

印刷所兼發行人河內東京印館黎文福

管理兼漢文主筆范瓊

東閣扶光伯爵

吏部福門伯爵

學部慶美子爵

工部寧浪男爵

北圻統使大臣

南圻副帥大臣

東洋全權沙露大人

住京欽使大臣

北圻統使大臣

全權府管理博稽大人

上審院總督申仲憲

北寧省總督范文樹

廣價告目

每張二期十元
半張二期六元

記汗漫遊記續九

十二

皇太后五旬賀表

十七

來稿知足賦

士貨其價目臨辰另定

文古詩摘錄

十八

告緊

嗣後凡來稿及寄信屬

文古詩摘錄

二十

告緊

編輯事務者專由本誌

文古詩摘錄

廿一

告緊

范瓊認

文古詩摘錄

廿二

告緊

買報及還銀者宜由東

文古詩摘錄

廿三

告緊

京印館黎文福認

文古詩摘錄

廿四

告緊

上即爲本誌恩人本誌另按期

文古詩摘錄

廿五

告緊

報份以上及惠給銀一百元以

文古詩摘錄

廿六

告緊

送報並登名於恩人欄內

文古詩摘錄

廿七

告緊

名譽贊成人

文古詩摘錄

廿八

南風雜誌

恩人報

大南皇帝陛下

東閣扶光伯爵

吏部福門伯爵

學部慶美子爵

工部寧浪男爵

廿九

東洋全權沙露大人

住京欽使大臣

北圻統使大臣

三十

南圻副帥大臣

永隆公使

清化公使

卅一

太原按察使

京印館黎文福認

文古詩摘錄

卅二

恭瞻廟有感

上即爲本誌恩人本誌另按期

文古詩摘錄

卅三

名譽贊成人

北寧省總督范文樹

文古詩摘錄

卅四

上即爲本誌恩人本誌另按期

報份以上及惠給銀一百元以

文古詩摘錄

卅五

某百歲老翁紀壽辰對客之語

余五十歲時。形容消瘦。眠食日減。有一風水師謂余宜改卜吉宅。隔十年。余體羸劣甚。隣余家有一道士告余曰。公宅中有鬼。夜間常見之。余設法驅除。鬼退後。則公當得康健。余從其言。卒莫見效。繼而余體愈羸弱。自分不久亦就木矣。適余孫在河內學西醫歸省。謂余曰。何不飲延年的美酒。以延壽。余曰。世豈有陸地仙。煉得此靈丹乎。余孫曰。何仙之有人。亦能之。翁不聞。河內有西法泡製科進士蒙節先生發兌一種葡萄美酒。去年標。吾家飲之。大見效。翁易不一試。余乃快飲食亦進。繼用盡一打。不覺

余晉力復如三十歲許之壯年人。至今延至百歲。享此壽杯。是蒙節大藥房之功居多也。



葡萄美酒 *Tenique Tonkinois*

河內奔馳庸五十四

號門牌發兌

茲因元旦屆節。葡萄美酒減價發售。每瓶一元九毛。買十二瓶以上者。每瓶一元八毛。買廿五瓶以上者。每瓶一元七毛。寄買者先付現銀。

HOÀNG-VIỆT TÂN-LUẬT

Không cứ làm việc quan, làm việc nhà-nước, dẫu làm dân mà muôn cho xứng đáng dân một xã-hội có qui-tắc, thời phải biết luật nhà-nước.

Biết luật, thời sợ phép, sợ phép thời không trái phép. Biết luật thiệt là có ích vậy.

Luật mới : Hoàng-việt tân-luật, đóng thành một quyển có chữ Pháp, chữ nho và chữ quốc-ngữ, in và bán tại Hiệu in Lê Văn-Phúc, Đong-kinh ấn-quán, ở phố Hàng-Bông số 16 Hanoi

Giá : 1\$ 50

Ai mua xin viết giây tới.

HỘI BẢO-QUẢN LY-ÖNG

(*La Mutuelle Lyonnaise*)

MỤC-ĐÍCH HỘI NÀY LÀ ĐỂ PHÒNG-XA VÀ ĐỂ GÂY VỐN
Có Chánh-phủ Đại-pháp kiêm-duyệt

Muốn hỏi điều gì thì đến ông Choulet là Tông-lý riêng, ở số nhà 92 phố Jules-Ferry, Hà-nội

Tháng nào cũng rút số một lần. Số rút trúng thi được lĩnh tiền ngay, mà không phải khó khăn gì cả.

Chơi hội ấy thi phải đóng không bao nhiêu tiền mà gây được vốn về sau.

Hội ấy chính những chân hội hoặc từng người một, hoặc cử đại-biên đến cũng có thể kiêm duyệt công việc được.

Tên những người có chân hội kê ra như sau này :

MM. Nguyễn-bá-Trác, Cử-nhân, Hồng-lô tự-khanh.

Phạm - Quỳnh, Hán-lâm-viện trước-tác, Chủ-bút kiêm Quản-lý báo *Nam-Phong*.

Trần - Trọng - Kim, Giáo - thụ tràng Sư-pham.

Bồ-Thận, Tri-huyện.

Phạm-duy-Tốn, Thư-ký Học-báo.

Nguyễn-văn-Ba, học-sinh Cao-đẳng học đường.

Dương-kim-Phái, học-sinh.

MM. Nguyễn-văn-Vĩnh, hội - viên thành-phố, Quản-lý báo *Trung-Bắc tân-văn*.

Bùi-xuân-Thành, Quản-lý nhà in *Trung-Bắc tân-văn*.

Lê văn-Phúc, Hán-lâm-viện tu-soạn, chủ nhà Đông-kinh ấn-quán.

Nguyễn-quý-Toản, Giáo-thụ tràng Bảo-hộ kiêm Tri-trí tràng Đốc-học, Hanoi.

Bạch-thái-Sơ, Mại-bản tàu Bạch-thái công-ty.

Lê-quang-Ngú, Thương-mại.

Sở này sẽ kê thêm mãi ra. Các người có chân hội sẽ ghi tên vào đó cả.

◎振整商場問題

范尙之原著國文

鄂亭譯

近因抵制客商之風潮所鼓盪而營商一事。遂爲我國民族普及之一論題焉。一人唱之千萬人隨而附和之。自南圻以及中北兩圻。無一處不籌擬營商之計劃。自上流以及下流社會。無一人不注重商賈之間題。商賣二字。幾若全印於我同胞之腦根中。雖曰貨物如何轉輸。埠頭如何開設。與夫商局如何組織。尙有多數人殆若夢夢焉。然人人既有抵制之口頭語。卽人人皆有爭商之一副熱誠。雖經營之效果。未能驟見於目前。而慷慨之雄心。亦足影響乎商界。然慷慨者僅出於一辰之激烈而已。而商業之經濟。非持之以堅忍者。不爲功。故當風潮劇烈之始。識者已心焉籌之。曰不知吾人果能乘此機會。以造成何等偉大之事業。否抑亦只出於五分鐘之熱度。卒之事過意冷灰。冷無異昔辰。猶颶風暴作之餘。天日又仍然晴霽。如是則我民之對於商業資格。猶多缺點。程度尙覺低劣。安能免外人之嘲笑者乎。然而決無是理也。我國商界之現狀。一經抵制風潮之後。比前必有改觀。猶酣睡者既經一番喚醒。必不甘長此迷夢也。今而後因時整頓。逐漸改良。商界之文明新色。相將必有出現之一日乎。吾儕不得不夢想寄之。而馨香祝之矣。當此商界新舊交換之辰代。凡擔有國民之責任者。要宜細察我國商業從前所以未能發達之原因。及將來所當如何振興之方法。欲求改良。必先懺悔。所謂懺悔者。料亦出於我民之共表同情。蓋人誰無過。知過爲難。知過然後能改過。改過然後能自新。亦理勢之必然也。自有抵制之風潮。而各西報。及西商往往細心考察。留意品評。大抵以爲我國商場。尙多腐陋。又以爲我南人無營商之資格。無堅忍之性質。并無商賣之名譽。心此等缺點。致使商業未能振興。而西商亦不爲之贊助云。他若抵制之事。其原理雖云可取。而效

果諒亦無成。蓋由我人只知目前之利。不思經遠之謀。故有此無意識之舉動。何異乎武備家軍伍未能整齊。戰壘已先衝突。又安望其決勝千里者乎。我國民一聞此外人之指議。料想少有血性者。必不甘恬然樂受也。然平情而論。必先責己而後責人。蓋人誰無過。但苦不自知耳。非有外來激刺之箴言。何以爲內界反觀之炤鏡。况泰西輿論。較我人尤爲精當。彼旣窺見我民營商之資格。尙多缺點。而著爲議論。則這論果出於正當與否。並此外尙別有何緣故與否。我國民亟宜詳察焉。夫謂南人無商賣之資格。恐未足爲確當之論也。雖以舊辰代之理想。通國士夫。往往鄙商賈爲賤藝而不屑爲。然觀之婦人仍別有經營之手段。不惟鎖港閉關時代。凡國中之坐賈行商。皆出於婦人之手。卽今日粟米絲帛之出口貨項。彼亦占商界中之一分優勝。而不甘讓人。况北圻諸富商家。所以能握絕大之利權者。內相寔預有帮手焉。夫聰明男子。本之以自家之學問。輔之以交涉之通才。用能營商致富。固無足異。至若巾幘女流。旣無學識。又寡見聞。乃能悉心經紀。不僅逐小利於蠅頭。而且鼎力經營。毅然執商場之牛耳。非有商賣之資格。而能若是乎。特不過向來鄙夷商業。致資格未能達於完全焉耳。現下時勢變遷。利權迫促。國中鬚眉輩。已漸豁然醒悟。慷慨進取之志。盡傾向於商賈場中。雖半塗而廢。非無失敗之一流人。而白手成家。亦占國中之多數焉。然則謂我民商賣之資格。未能完全。則可。謂我民無商賣之資格。則不可。今國民旣爭趨於寔業之問題。則商界之擴張。可拭目俟之矣。至若謂我國人無堅忍之性質。則誠然也。諺云。有肝膽者能致富。然攷之我國。有肝膽者。旣寥寥罕聞。卽能致富者。亦落落僅見。此寔我國民之通病。非僅商界中人而已也。自今之商業觀之。由其不能堅忍。以致失敗者。十居八九焉。其始也不計利害之分數。而冒昧爲之。其繼也遇

有些小之阻力。而厭怠隨之。奮激之心既冷。懈弛之念隨萌。勉強者其能久乎。且以一家之失敗。不惟店主及有股份者直接受害。而國中之志於商戰者。因此而萌退志。外國之與我通商者。亦因此而懷疑心。始勤終怠。急進猛退。均由不能堅忍之通病所致耳。然而商賣不能消售。遂使心灰意冷。而致失敗者。其情猶有可原。至若商權現當發達。不能堅心忍性。而致衰落者。其事尤爲詫異。此等殷鑒。在我國商界中。蓋已屢見不一見矣。有人焉。其始也勤於營業。加意擴張。用能貿易流通。資本豐裕。家庭之光景。比前大有起色。便能因此而日加奮振。則玉積金堆。何難達富有之目的。乃無何而自滿自足。懈怠漸生。凡屬商務之錢財出入諸款。一切付之工人而已。若不與焉。又且施施然粧粉主人翁之面目。商客之往來。漸形厭薄。貨物之發售。儘屬單疎。由此而買客日少。商業日衰。一旦有新立商店者。起而奪其利權。則自己之商權。更出於淘汰之外矣。歷攷我國商界發達未幾。而閉門撤業者。率多由於無堅忍之性質而已。惟其不能堅忍也。故遇阻力而心即灰。亦惟其不能堅忍也。故纔見效而志已滿。惟其不能堅忍也。故不知遠圖。亦惟其不能堅忍也。故無心進取。商界之不能進步。其以此夫。大凡天下之事。其前程原無限量。故必勇往直前。始不至落在人後。倘或一遇無可向進之機會之情勢。亦必堅心固守。不肯退步。如兵家之知有進而不知有退也。可試觀近日戰爭。當此雙方相持。雌雄未定。而識者已下一判語云。何係對於敵國。而能爭一日之立脚得定者。必操勝算焉。商戰之局。亦猶是也。勝負之分。惟視乎立腳何如耳。使非有毅力及堅忍之性質。何以久立於商界乎。雖然堅忍者。固商賣家最重最要之一德性也。然一堅忍之性。亦未足以言商。又必推誠寔之心。言必顧行。交而有信。求以保存自己之價值。增進美譽之榮施。使商客不忘信愛之心。卽

權利可爲長久之計。要而言之所貴乎。有商界中之名譽心而已。外人以爲我國民無商賣之名譽。心想亦不爲無見。無論假營商爲騙局。其失敗只在旦夕間。即至於有志營商之一派人。亦一切趨於苟且。蓋苟且乃我國民之通病。無論何事。率皆姑息因循。只求以了事塞責。原無有周緻慎密之意。以期底于完全。凡士農工商。以及祈禱禮拜作福興工諸大端。無一而不出於苟且之二字。馴至於今日。困厄衰弱之種種現狀。亦由苟且欺詐之惡蘖根性階之厲也。學則千經萬卷。背讀無遺。談今論古。只務爲迂濶之空言。故雖列爲儒流。而蠹魚終老。白首紛如。虛文無補於寔用。農則田務。纔收糴出。殆盡無復有備荒之善策。故雖名爲農國。而庚癸頻呼。飢饉荐至。凶年不免於死亡。至若商賣之商業。則其苟且之根性。又有甚焉。外人謂我民無營商之資格。意亦窺見此根性也。歟。無論何等貨項。一初開張。均屬精好。迨及稍稍消售。而欺詐之心。生日愈形。其粗薄似乎。只求發售之流通。不復問貨物之美惡。其能使買客堅信愛之心。而無存疑難之意者。國中有幾人焉。夫客人之買貨。常常記憶在心。一經擇得好項。則此後接踵而來。日漸親密。遂成商界中之一信友焉。然則苟且欺詐。使商客絕跡於店門。不但爲市井狙獵之一般人。直可謂之愚昧焉耳。至於整飭貨店經營商務。以及帳冊之編記。利息之差籌。一一皆出於苟且。彼市肆中之小小貿易。姑且勿論。間亦多有大商賣家。而貨價之貴賤。本息之多少。店主翁亦付之茫然。甚至商店公需之費款。與私家日用之常支。混合含糊。絕無定準。夫我國之從事於商界者。代不乏人。乃商業之未發達者。寔由苟且欺詐之流毒所致耳。蓋苟且者必至於欺人。我既欺人人誰信我。爾虞我詐。又何名譽之足云。所謂我民無商賣之名譽。心非過刻之論也。由是觀之。歐人所言。寔深中我國民之病。既知病根之所在。可不求對。

病之藥。而醫治之者乎。如上所叙。病根只在吾人之心理中。則對症立方。亦宜從心理上下手。然療此無形之病。非可以旦夕驟期。必賴社會清淨之空氣。以蕩滌之。憑教育普通之力。以薰陶之。國民改良之程度。藉之爲靈丹。文明進化之高潮。用之爲藥料。夫如是。則舊腐之惡根。消除殆盡。新之美之資格。鎔鑄而成。今而後。民智日漸開通。何難與文明諸國。占商界中之一席位乎。然此等療治之法。均屬高遠。難行。必遲之年歲之久。始可望其成效也。今有一間接之方法。足爲商界改良之一助。在乎鼓勵激勸。使志於商戰者。合力同心。以研究現辰之商務。此亦救急之一良劑也。記者草此篇。亦惟注意於這目的而已。茲請設各問題。以備我商界中人之調查。幸國內經濟之士。各以意見稿示登報。以公衆覽其問題如左。

〔一〕商業於創立辰。屬於章程、資本、股分、及鼓動法。云云。當如何組織。俾得穩便。

〔二〕既經成效者。請述其成效之原因。及經驗之業務。

〔三〕既經失敗者。請述其失敗之原因。

或由本金不足。或由於經理抑機會云云。

〔四〕粟米出港。我民果能與華商爭利否。爭之之法

當如何。

〔五〕粟米之外。我國尚有何產物可輸出於外國。

〔六〕入港貨物有何項。我民能於此營業否。

〔七〕國中工業何者經營有當改良之。何者未有當創辦之。改良與創辦之法。當如何。

且興工之資本於何取得。

▲銀行之業務

〔續第二十九期〕

第二項 折算

(即買票除花紅金。日本謂之割引。)

折算云者。謂以有期限之證券。兌用現金。而就其中除出兌用日至滿期日之利息也。其所除出之

利息。卽稱爲折算金額。(花紅金)而自銀行言之。則是就票據所載金額中除去花紅。而付其殘額於請求折算人。以買取其票據也。設有金額千元之票據。其期限尙差三十日。卽向銀行請求兌出。以取現金。試以週年一分息計算。則銀行當就此金額千元中。除出三十日間之利息八元二毛一仙。而以其殘額九百九十一元七毛九仙買取此票據。及期限到辰。銀行仍可兌取千元。故前此所除出三十日間之利息。得爲銀行之利益也。

凡工商發達之國。銀行此項之收入尤多。而折算之性格。能使資本輪轉迅速。又爲社會之利論者。謂歐美之製造盛。多於此焉。攸賴。况銀行此項所收之利益。較多於給債。蓋給債之資金。非經收回。不可再給債。若割引之票據。則未到期限。不妨再割引。且給債之利息後取。折算之利息先收也。折算之必要者。在察其票據之良否。而欲知其票據之良否者。必確察其請求人及兌付人之有無信用。又須問其關係人之多少。然後可以判定。然最要者。蓋審票據之性質。

向銀行轉兌票據者。其性質又不同。如就銀行所在地兌付者。稱爲當所兌付的票據。顧客自行兌取。不需費用。如就非銀行所在地兌付者。則稱爲他所兌付的票據。其於委託兌取。必需費用。故受折算較上稍高。有於折算外。別加代理費用者。其代理費用。又因辰因地因事。高下不同。

適用票據之性質。有附擔保物項的票據。則稱爲擔保票據。有不附擔保物項。純自商業上發生債權者。則稱爲商業票據。大抵商業票據。信用常厚。若夫擔保的票據。雖亦信用之厚。而且有保管擔保物之煩。故其折算稍高。

承諾票據之兌入者。其正當辦法。必先使請求人呈出一陳請書。敘明請求性質。由課員摘其要點。

記入於請求帳及評議錄。請總理及支配人（即位在總理下之指揮一切者）蓋印。再交出締役會議。然後可以決定。然此乃關於非常巨額。或為總理及支配人所不能決定之事。及提出請求者之為新顧主。然後有此手續。若夫簡切辦法。則經由總理及支配人與請求人面議。一經承諾。即使課員辦理。而惟以其結果報告次回之會議。求其協贊可也。

於明治二十五年四月。日本國欲調查社會之信用。確寔使銀行不至於錯誤。故在大阪有設一商業興信所。使得以辰報告社會各商業家於銀行。以圖交易之安全。防意外之損失。其報告之事概分四種。
 一、於商業之失敗。支付停止。破產。閉店。財產封禁。支付命令之發下。重大訴訟之提起。非常之事發生等。則報之。
 二、於關係商工業隨辰發生之事情。或評判。并日本銀行之貸付割引金額等。則報之。
 三、於不動產之買賣。授與。質入。書入。并對於其買賣授與質入書入。所有貸金借金返金等之登記。則報之。
 四、於每月或隔月所調查各會社之約束票據。與匯兌票據。及市內存在倉庫之物品等。則報之。自日本有此興信所。而銀行家得曉知社會之情狀。其營業上可以減少危險矣。

第三項 紙債

給債者。乃由銀行貸出資金。而收取利息之業務也。給債有分為兩種。定期給債。及臨辰給債。定期給債。則以其金額貸付之。而限定其償還之辰期也。臨辰給債。則償還之法不同。有不定期限。而於其後應銀行之要求。次第償還者。英美是也。有預定期限。而於其間依債主便宜。隨時償還者。日本是也。至若許債主於若干金額內。發小票向銀行借用。此乃一定之法。要在先由銀行與債主約定之耳。臨時給債。又分為臨時定數貸。臨時貸越兩種。上者則臨時付以定數。下者則銀行與債主預約數千為止。仍隨時由債主持小票向銀行次第取出也。

自銀行之營利目的而言。則給債不若前叙折算之厚利。然農工商未甚發達之國。則社會上何由得多數之票據。使能依折算法以籌措資本。故必資於銀行之貸付。方能有濟。况給債之利息較折算為高。則給債者亦銀行之必要。而亦有利益之事業也。

給債之方法大別如左。

〔甲〕擔保債——即取擔保品而貸之以金。一旦借主不能償還。銀行即變賣擔保品。而以其償金充應還之金額是也。

〔乙〕保證債——即使借主別求有信用之保證人。而貸之以金。一旦借主不能償還。銀行即使保證人代還是也。

〔丙〕信用債——即不取擔保品。不立保證人。單由借主一人之信用。而貸之以金。是也。

給債之手續。方債主請求其承諾與否之一切辦法。大致與折算同。惟給債中之臨辰貸越。非於約前預定其額不可。故一應付諸取締役會議。又有并普通貸付額。亦先經會議略為評議。而後支配人或課員於其範圍內適宜辦理者。此則各視其銀行之規定何如耳。

第四項 汇兌

專就內國言。日本名爲替。

匯兌云者。謂隔地之債主。與負債主。不輸送現金。而使用匯票。以結算其貸借關係也。設如河內之甲。對於西貢之乙。當許借銀千元。同辰河內之丙。對於西貢之丁。當領受還銀千元。於是甲以應付於乙之現金。交付於丙。而取丙之票據轉送於乙。使乙持此票據向丁兌取現金千元。故其結果。在河內則甲付丙收。在西貢則乙收丁付。是只憑一票紙。而甲乙丙丁之千元借貸關係。均歸了結。且在甲與丁可免遠地送金之危險及費用。此匯兌之原理。而匯票之所由行也。

然使甲與丁不相識。則其法將窮。是貴有銀行立於其間。爲之媒介。乃能買於甲而賣之於丙。且也丙所要求於丁之額及其期限。未必符合於甲所付給於乙之額及其期限。故丙不能直接向甲發出票據。須有銀行居中。自發匯票而後可。(匯兌之式有普通滙兌。電信滙兌。其式頗繁。茲不具述。)

▲銀行之附屬業務

一 兌取

兌取云者。謂以票據或小票。呈出於其義務(即帶有交還義務之人)者。而受其兌付也。銀行所兌取之票據。約有四種。(1)由割引受入之票據。(2)由貸付及其他受入之小票。(3)由儲金受入之票據或小票。(4)由顧客或他銀行委託兌取之票據。

銀行於其營業之結果。常有事於票據之兌取。故關於兌取票據之一切法律習慣。素所通曉。決不慮其誤事。又有支店或代理店可託。雖在遠地。較普通人民之自行兌取。勞費俱省。且兌取出自銀行。負債主每自重信用。而不肯遲誤。此其便於商人者也。票據之兌取所得。可作儲金運用。不作儲金。則收相當之辦理費用。此其便於銀行者也。有此二便。故亦成爲一種業務。

二 公債證書及金銀之買賣

銀行辦理一切業務之餘。苟無剩餘金則已。有則必講求有利放出之法。蓋此剩餘金。其間有由於儲金積成。而不可不付利息者。苟死藏金庫。則受損無疑。此所以有買收公債及金銀等之營業。

三 發行紙幣

紙幣發行。亦可稱爲銀行之附屬業務。然發行之權。是由政府所準許之銀行。且其理論複雜。未易縷述。茲且從略焉。

△銀行內部之組織

銀行事務員役之組織。因銀行之大小。而繁簡各異。不能拘於一定。茲特舉其大概者言之。

總理。副總理。取締役議會。其下又分爲各課如左。

計算課。支出課。收納課。儲金課。買票課。兌取課。給債課。滙送課。股分課。擔保品課。公債課。他支店課。交換課。保護財產課。書記課。用度課。簿記課。於此各課有辰亦酌量事宜使之兼仁。以減省使用之人數。

振整官場問題

翰林院侍講領安興縣知縣杜兼善原稿

廣安省安興縣知縣杜兼善肅書奉 河內上審院第四房總督申大人閣下電鑒。月前

大人登報屬振整官場問題內叙廢除供頓饋遺等俗禮近奉

聖諭已申禁令。寔官若民之大幸福。又奉讀 聖諭以俗尚浮華爲戒。因有思焉。請附呈意見如左。竊思夫官場所以貪冗之故。是由供頓饋遺爲之媒。亦由俗尚浮華爲之弊。蓋官場爲流俗所最忻羨之途。凡從政中人人皆以豐富目之。卽當其境者亦以豐富自處。陞補之後。其於供頓官長禮款所費已鉅。况又車馬從僕。服食器用。一一從奢。有辰開筵晏會。一食千錢。煙場賭局。晝夜流連。以有限之月餉。而用度如此太廣。非家資富有者。何能自給。亦有家素清白。而爲習俗所逼。欲儉不得。既不能儉。又何能清。推原其故。官之不能清除。貪得無恥。專爲肥己者無論已。餘則一爲供應之煩。二爲奢侈之習。交迫之也。今供頓饋遺既有禁令矣。又請大人呈請 政府奏請 上旨申明禁條。爲官場除奢侈之弊。而最嚴禁者。煙賭等弊習。則貪冗之風。當不難掃除矣。僕不才。

濫預官場。自由教職補政職。辰窃私自述云。「官儉則民豐。海闊峯脫粟布袍。不爲福晉。心平斯政暇。趙清獻鶴琴匹馬。自足風流。」蓋自思官欲守清必先守儉云耳。敢陳膚見。候承清鑒。如蒙不棄。請爲登報。以質之同志諸君子。

廣安省安興縣知縣杜兼善肅書奉。河內上審院第四房總督申大人閣下。電鑒茲卑。自願贊成保護官場會。且附呈已見如左。

竊惟六計廉爲本。三言清亦先居官要義奉我。皇祖垂訓炳若龜鑑。柰自風趨日下。吏弊日滋。貪冗成風。往往爲人指議。恥孰甚焉。奉今我皇上臨御以來。留心開化。而尤以清吏治爲急。綸音四達。雷動風行。觀感之下。孰敢不思自勵焉。况方今國家爲官吏增俸餉。正爲勸廉計也。嗟我官場中人。及此文明辰代。而不急思改良。以脫腐敗圈套。毋乃不智之甚乎。此官場之不可不亟爲振整也。然欲振整官場。不得不思爲保護之計。蓋貪冗之輩。得以廁足於官場中者。勢一也。錢二也。趨媚三也。誠有如大人之所謂者。今有以清廉自守。則必無倚勢。必無多錢。必無媚態。苟無有以保護之。則挺特之標易爲風摧。直放之流多爲石阻。反成孤危之勢。此官場之不可無保護也。所謂保護官場者。何祇爲保存官箴起見耳。大人之設爲此問題。其意正爲此。今請大人聯合同志。請法組織一官場會。以保存官箴爲主義。凡情願入會者。必須端認。先以清廉自守。會中另辰常檢察。何係確能清廉者。卽偶有危急極力保護。若稍存貪風。卽行削名。不許預會。如此則預會中人當必交相警策。去穢就葩。而以此主義請立。會當必無何阻礙。我國官場將有開張面目之日。何美如之。敢陳膚見。候承清鑒。如蒙採擇。請爲登報。以質之同志諸君子。

啟定四年拾月貳拾玖日

◎ 傳記 汗漫遊記（續九）

阮伯卓

（傳記）汗漫遊記

十二

第十一章 離滬往粵西桂林城

余等與劉軍官別後亦於是晚整行李。購船票往香港。蓋由滬到桂之路必由海程往港。又由港搭火船到梧州。更由梧州乘民船遡漓江而上桂林也。其行期約二十日以上一月以下方可達到滬港之間。則爲我舊遊路。港梧之間。則航行江內之小火輪。每日開行頗稱平穩。惟梧州到桂之一條路。水道最爲惡險。令遊客有去心如箭急。却被障灘頭之感。船自港到梧由廣東灣入口沿西江行中間停泊三水起貨。三水與廣東省城有一條火車交通。故行客由港上桂。辰欲經過廣東省城訪友。亦可乘火車到省。另改搭車到三水。然後落船赴梧也。考之中國地輿誌。梧州府卽漢之蒼梧郡。並置交州。隋初改封州。唐置梧州。元爲路。明爲府。領縣五。蒼梧卽其所在縣也。古跡聞有士燮墓在此府城。據潯桂二江之會口。由桂江而上。則爲昭平、平樂。達於桂林。由潯江而上。則潯州、南寧。達於太平府、龍州者也。我國昔辰北使之路。常由南關出發。然後經過龍州、太平、南寧。以下梧州。又自梧州遡流而上。達桂林。由桂林往湖南界之永州。沿湘江一帶而行。以達長沙。於是跨洞庭湖而北。嘵從今日遊而回憶。我國先人奉事北國之苦。登山臨水。送將去馴象金人跨洞庭。其勞頓者何如耶。余等抵梧州。暫宿客棧。棧沿江岸建於水面上。宛然一水榭。岸上有府城在城栖大雲山。北山面面臨江山峻陟。水奔湍中間。人民城郭爲之蟻窩。市面上貿易亦極盛。最苦者道路狹窄泥濘。民居亦不甚潔淨。令遊客頓足不敢前。惟江上舟船輻輳。泊岸如聚萍。入夜燈光四耀。笙歌滿江。頗稱鬧。

熱余旅此二日方覓得同伴上桂者五人。共顧一民船費每人約四五兩米及火食由客自備。船行約十日經過三百六十灘。以平樂爲中分之地。自平樂至桂險惡尙少。若梧州至平樂則兩岸懸崖中多碎石。水甚湍急。船之帆楫無用。舟子約十數人分爲兩班。一班則以大繩繫船向岸上攀山援石曳繩而進。一班則在船之兩邊各主篙。伏於船板向後猛推。各過一灘。主篙者曳繩者呼聲齊舉。山谷皆響。而船之進者約一點鐘僅與狂奔之水爭得數尺地而已。昔方亭先生於萬里集中公因使燕。經過桂江有上灘船一絕詩云。肩簷在版。臥向後引纜。在山臥向前石勢逼流。水怒下千呼萬喚。上灘船吾人讀之可想見上桂江行之險也。然上灘雖險而莫險於下灘。二年後余自桂返梧。因下灘遇礁而舟破同舟死者五六人。余得援一灘下石挺立達夜天旦而遇救幸也。

是行余等以五月二十九日由梧乘民船早發。至六月九日午到桂。余等纔到桂辰其神經上之感覺更異於到南京。雖南京桂林都能觸余懷古。然遊南京者則易觸余心以中國歷朝興亡之感而遊桂林者更觸余心以我國千年盛衰之感也。何則。古辰桂林城不啻北國南侵我國之根據地。亦中國歷史上有名之一都城也。桂林府本秦郡。三國吳始安郡。南宋曰靜江府。明改今名。滿清辰代廣西省城建於此。(中華民國成立後。陸榮廷爲廣西都督。遷省城於南寧。)有巡撫及布政使同駐焉。地勢當越城嶺之南。都龐嶺之北。湘漓二水分流之域。山水奇秀。湘粵之門戶也。從戰爭之歷史上考察地理。則如漢侵南越。分軍下漓水。宋將潘美入南漢。先取桂州。知由中原掠取嶺南。常以此爲通路矣。又如唐辰黃巢自桂州洪楊之寇。亦自桂林浮湘而下。遂成燎原之勢。此又自嶺南北窺中原必取之通路矣。城瀕漓水西

岸屬臨桂縣。居民稠密。商買亦盛。城內各公署、公廠、兵備局、巡警、郵政、電報、官書局、師範校、初中各學堂、工藝廠、農林公司皆在焉。城南文昌門外有陸軍小學堂、軍官幹部學堂及各兵營駐紮在此。四圍多山少平原。故其地質瘠薄。民氣慄悍。要之廣西省乃山地形勢也。至若江山勝景亦多有可述者。余今不暇縷述。請略舉阮方亭先生使燕奏草屬於記述臨桂山水之一段錄之。想閱者諸君亦足以知桂林省城附近之大略的光景。

臨桂縣桂林省城所在也。地多石山。千峯聳起。其北當桂江。右爲桂山三峯連屬。前峯如獅昂首。丹桂生其嶺。附起者脚入江。別名伏波岩。有洞。洞中石垂如掛柱。次峯宛轉橫互一方。後峯聳秀。

奇石疊積

名疊彩石。又北爲虞山。

此山方余等在學堂辰常操練於此。

古松蔽日。層岩俯流下有潭。

案廣西通誌云城北四里。有虞山。山有皇潭。亦名舜潭。昔舜南巡遊此。故名焉。又朱子云。靜江帝舜廟祀。亦在虞山之下。

其西則四望山。尖峯戟列。如瑤簪玉筍。自疊彩岩分出。沿西湘以南接

象鼻山。

按通志。湘水昔爲荒溪。唐觀察使李勃始疏鑿之。名爲西湖。又江岸有山。山有榕樹。歲久幅根至地如門。名爲榕樹門。元守臣名爲榕浦江。而廣西城名爲榕城。想亦以此。

其東則七星岩。位置如北斗。旁一小峯爲輔星。當桂江左延亘十餘里。岩半有棲霞洞。洞行數百級。始得平地。夏冷冬濕。其南

象鼻山。一名漓山。當湘江出入之滙。山半落水。前有洞。南北直通。水流其中。望如洗象戲水。故名

象鼻。

按此山在城邊江岸。乃崛起之小石山。宛若象形。垂鼻於江以吸水。鼻之內邊。所謂洞也。僅容一舟。余等暇辰常遊此。

又南爲大小雉山。側起如昂首欲飛。俗名鬪雞山。

城內正中有獨秀峯。直聳五百餘丈。爲郡主。

山下有洞。從地中可通山北。洞間石几。石榻石漏。羅列如環堵室。山上樓臺望入雲霄。

余等卒業後。各教師及同學諸友。招余等會宴於此。山上有樓。有人住守。樓供遊客納涼賞玩地。其在此設宴。僅創舉耳。憶是日。余與諸友囑住守者。嚮導遊洞。洞穿山腹。行可里許。

獅子。仙翁棋。逸士筆。之類。約可百計。津津可聽云。

面面青山森列無際。桂江吞吐其中。波光浮動。正如方湖

島嶼。所謂山到桂林奇不盡也。

余等到桂後。以行李寄客棧。繼謁劉軍官所。介紹之諸友。由諸友導至兵備處。呈公文一摺。其辰兵備總監陳某有事北行。蔡松坡先生代之。蔡松坡名鍔。中國近代之偉人。民國三年袁氏稱帝。先生方宦雲南省都督。起兵入川。倒袁帝政。功成遊日本。病沒於東。中國人無不感惜之。謁蔡公後。公對余等感情極篤。公曰。據劉氏來書。則他擬請收諸君投學於本省之軍官幹部學堂。前者余已呈撫臺。亦蒙準允。然幹部學堂是乃軍官速成校。其程度僅三年。取中學卒業之學生入學。開設之目的。以足供現辰軍官之用爲限。故只有第一第二兩期學生而已。此後亦停罷不設。由我中國現有陸軍小學堂多所。同辰開校。將來此陸軍小學生卒業。則派往湖北入陸軍中學。三年卒業。又入北京陸軍大學。或派往歐美學習。以造成軍人完全資格。此等人才既衆多。則速成校可無須設。今之速成生。特不過青黃未接之日。暫辰供應已耳。幹部學堂第一期之學生。將於今年九月卒業。第二期學生。則已於去年九月上課。今年九月。彼等亦已竟下士教育之辰期。開始從軍官的教育。君等此來已遲了過半年的功課。下士之教育。僅剩存三個月。雖然。余亦仁諸君入校。俟到考下士日。若能取中。便可插班學習。不然。另改赴別校。未晚。繼曰。入校例必有考取。君等若允投考。則明日余另派兵導君等赴學堂應考。余等領命歸寓。

翌日。蔡公已派衛兵一名。抵余棧。導余等赴校。辰已有考官兩人先在此。兩人由蔡公特派一兵備處長官及一學堂教官會考也。考題漢文論。一算術。一代數。一漢文題目。則爲「國民對國之義務論」。余於此題。起草頗完備。然算術則僅從珠算計答。題亦不錯。至於代數。則缺如也。閱余考卷者。無不知其未曾受過中學之程度。他若元君。頗爲完璧。蓋由彼在日本已受過三年之教育也。但中

國之考學生。以漢文爲重。故余考卷亦得十三點。蒙取中入學。是夕榜揭。蒙準余與元君得領官費。插班宿校學習。斯辰余等儼然爲學堂之一官費生矣。余自入校後。從下士之教育始。學堂之學生分爲五班。步兵、砲兵、馬兵、輜重兵、工兵。余投步兵學班。立正、托槍、開步、跪倒之種種命令。驅余身體疲余膂力者。幾三個月。先前十日間。余之手足梗直。同學見之。無不失笑。而余自顧亦太覺忸怩。脫却儒衣著戎服。肩槍腰劍。我何人。雖然習久而馴。亦儼然一赳赳武夫。可自豪也。余初辰在校較用功於儕侶。蓋由余算術代數之學。未嘗領會。故每於上課後。自習辰間專心研究。有夜間十二點而未曾就寢。如是者約勞數月之工夫。可幸者有同伴元君。習此頗精。能爲余指導。并余於遊歷南京上海時。得略習中國之普通話。此話於學堂中尤爲適用。得與同學相講論質問。方知無用中之用處。流落辰期亦我們之入學辰期也。九月堂考下士。余等蒙取中。開始受軍官教育。通例軍事速成校軍官教育以二年爲限。卒業後。以軍官補用。初補少尉職。其辰爲宣統二年九月。西曆一千九百十年。招例則當於西曆千九百十二年九月。然後卒業也。然因廣西財政上之支絀。當局者欲短縮一年期限。以來年九月結局。增派教師。日夜倍課教授。計每日早八點至十點半至五點。即爲野外練習辰期。練習其行軍作戰。宿營之各方法。其餘早七點十一點晚六點七點半至十點。皆是校內上課之辰期也。築城學、戰術學、軍制學、地形學、砲擊學之各種功課。令我等終日忙碌。無暇辰刻。然因此鍛練身體。手足較壯健。而飲食量亦大進。尙憶當辰。余能躍下操場所設之天橋。又能跑步至一點二十分鐘之久。及自桂林省城至岑家花園。路程達一百二十華里。而能爲一日間帶有軍裝之行軍者。噫。今日之余逸居頹唐的暮氣。安克當此。

〔未完〕

◎皇太后五旬北坼官紳賀表

北坼現職臣並休致臣等稽首頓首謹

上言茲仰見

喬雲結幄

玉婺澄輝

海籌添而

蘿茀凝祺

山杯獻而塈誕治慶

臣等誠歡誠悅

謹奉表稱

賀者伏以春回

雙禁西池之碧藕添香辰值一陽冬至之梅花獻歲

天家樂事寰宇歡心

臣等竊惟慈德爲天

下母儀象重坤之厚載聖人示天下至孝合四海而尊親故膳饁辰登方貢之珍而宮庭備著家人

之禮元宵獻壽唐咸泰之稱觴生日承歡宋長寧之紀節然未聞

明比歲春風霞杯疊獻如今日者也欽惟

皇太后陛下齊莊聖德

兩宮壽鏡

常月並

誕從勳閥高門

徽呈沙籠

久贊

先朝內治

化始河洲

淵靜芳儀

妃之風

寔今王姒之聖

徽音克紹于

前懿

德教丕弘于

天眷重申

熙朝有慶欽惟

皇帝陛下資符達孝

榮養之儀萬安

致順承之敬奉元年

恭迎

位正德元長樂隆

九重之春色仰惟

尊之至養之至

答孝思無斂

愛日彌長

仙家之歲月常春

聖節之麻祥迭至

千年桃宴花開半百之初期

萬壽椒觴酒醉

九重之春色仰惟

尊之至養之至

合晉遐齡凡知敬所尊愛所親

胥同忻舞

臣等遠居藩閭南望

闕庭景

壽曜于重霄共慶

邦家之瑞獻曝誠于萬里齊賡保佑之章伏願

孝治日隆

天麻滋至每計十年一節

仙壽偕

聖壽以无疆合稽大範五疇

皇福與

母福而並受

臣等不勝慶賀頌歎

之至謹奉表稱

賀以聞

啓定四年十一月初一日題

代表北坼臣等臣徐淡記

水補

◎來稿

▲述談 附錄 知足賦足韻尊室 小陶維清 漣

十八

啓定肆年秋捌月生明獨步庭前不忍就睡客有自嘉會來揖入中堂既坐客曰觀子行步遲緩強爲笑語如有隱憂曰然不幸中年家運艱難床頭金盡典其產于鄰家過半矣雖子女未至於不給而寔有旦夕之憂坐觀其變而不爲之所則恐至於不可救每與衆妾謀則皆憤於行樂而不知其所措抱茲苦心良獨憂也客曰顧子自有舊田廬力作足與凡人齊然須有賢婦人主中饋經理家政何必勞神苦思爲曰家無儲峙衆妾嬌癡縱有賢婦人起而強爲之焉保無同行而不同志織機田器將焉取之則不得已行權必暫金于他適足以增債耳由此言之再娶則貧立加致富未之聞也客曰噫是何言哉賢婦人豈如是乎其治家之略皆定於處女辰非嫁而後學必能忍辱負重與衆妾交驩而以女子從夫之義開論播於羣曰當夫家既落之時非妻妾素餐之日當知盡其所當爲而不計其所當得故曰從夫勞苦分也如此則嫉言息而衆志成矣衆志成城鄰家見重織機田器可假諸鄰於是乎子教以耕女教以織衆妾董事於其間以開財源節財流則功不浪用財不浪費小儲大儲日積月累而家業可以重興矣夫家業之所以興所以衰者在乎理家政者之得人耳昔焉內助無人羣妾爭寵子女嬉遊奴僕驕弄舉家之人各無一能典產問債坐食山崩如是而求其家之不落烏乎可今若有賢婦人助理之用功在勤治事惟識絕妬去私秉公執直且也有生之路可開則開無益之費可去則去計出入慎取與使人以義無

使人以貪用財於生不用財於死家有經紀其興也必蓋得賢婦人之贊助而主人可無內顧之憂矣君不見世界間凡妾驕子惰之家則產業一空覆亡立至而凡有賢內助幹持於其間者則無不起仆而興挽絕而存且又能和衆妾睦四鄰教羣兒使百僕俾家主得寬宵旰之憂以理外事也君乎余未嘗見家落而怯於娶婦只在乎擇婦之賢不賢已耳且世間無百年不落之家而天道亦無一往不還之運物極則返人定勝天請觀諸月傍死魄今已生明既而弦又望家運大抵如此聞之不覺興起深有味于斯言遂登南風報以質閱者諸君子

君不見巢林不過一枝飲河不過滿腹何世之得隴望蜀耽耽逐逐極侈心求大欲聲音繁矣而猶不足於耳采色艷矣而猶不足於目則盍取道德經知足之言而再三讀也老氏達至道之冥窈悟性天之淵穆守黑守雌爲谿爲谷絕聖棄智而不溺於紛葩清虛無爲而不耽於利慾謂人之器量所容蓄也如舟車之有限如布帛之有幅如斗升之平穀粟如櫃箱之貯珠玉適所願以相償要其歸于各足固宜審贏縮明倚伏侈溢不居謙卑自牧何可詭詭於珊瑚數十株胡椒八百斛逞志世上則于隍復天道人事明明可燭苟能察之精思之熟玩柱史之遺編以法言爲佩服悟其理於盈科之水驗其機於參天之木曉其境於黃梁覺其夢於蕉鹿效居成於伊莘懲沉湎於博陸則不殆不辱永膺天祿其旋之履祥疑矣有終之謙吉卜矣信乎知足一言誠爲萬世處功名之鶻

◎文苑古詩摘錄

△淇川詩草

海雲關

衆山蜿蜒如羣龍。西東橫截滄溟東。懸崖中拆走驛路。怪石壁立摩蒼穹。一夫當關鎖鑰固。形勢爭誇天下雄。誰將平地鑿天塹。翰門直與西溟通。氣機煙馳浪劈海。神火電擊雲搖空。白衣隻馬臨關度。關吏開關猶恐怒。石門危磴鬱千盤。化作康莊一條路。我來風雨逢初冬。天寒木落雲巖封。移山填海恨無計。憑高對酒澆心胸。

奉和雲麓吏部尙書送行元韻

乙亥

我家珥河北流處。君家穹江之下游。二水發源滇南境。相隔一山東西流。穹江南入牛江水。怒蛟徙宅逾一紀。憶君辛苦南中來。三省驚塵倉卒起。誰知十載重相見。四城哀淚向君墜。何年再見牛江清。珥水亦賦洗兵行。鐵船直指天漢橫。滄溟無波看月明。坐念江河方日趨。吾曹此責良非輕。與君昨夜傾肺腑。燈花半落墨花舞。留君不得益惆悵。南望重關阻煙雨。此別尙須各努力。百尺樓上觀海宇。莫使江神向人笑。江金盤錯落鮫珠墜。江山感發藻思清。裝就四軸山如此但清嘯。

附錄雲麓原作

● 辰世界之部

▲美國最近之政治運動

中美新聞社紐約通信云。美國今日已開始爲最大最烈之政治運動。自南北戰爭以來。當以此屆爲最。八閱月間。候補總統當能選出。不出一年。則此中必有一大總統出矣。今日之政爭。於美國前途關係甚大。蓋須視此。擔荷全國大事之人。他日能否爲國家盡其能事。卽如未來之黨派問題。財產問題。寔業問題。及國際間一切問題。均須定注于此。今日美國幾盡爲政治空氣所充。塞人人所道者。無不以政治爲歸。無論其爲國會。爲商界。爲工界。每遇一問題。欲求解決之道。必連想及於一千九百二十年之總統大選舉。而人民方面。則竊竊相猜疑。以爲革命之舉。在勢且不能免。寔則美國境內。決不有此。蓋與美國政治之舊軌。不能相合也。政治上之運動。今已寔行。雖一般候選總統。及其黨友。皆出以鎮靜。而色彩已不能掩。其不黨之超然派。亦各於暗中活動。未嘗少息。記者周歷二十州。所聆政治上之言論。正復不少。總之。各黨健將。及扶助政客之志士。其思躍登政治舞台也。爲時已久。固已早作準備。今日則於幕後。作戰益烈。志在推倒一切。獨爲魁首。紐約一城。議論已轟然四起。華盛頓方面亦然。一般候選總統類。皆率其同志僕僕往來。發政論也。通電報也。啓錢囊也。忙碌萬狀。當此國內工業問題風起雲湧之時。彼政黨領袖。卽已於舞臺上添設佈景。並選定演員。慕雖未啓。而劇中之布局。固已大定矣。至現今政治上之傾向。概分五派。略述如下。一有一派曰獨立之投票人。此派並無候選總統之推舉。僅能於民主共和二大黨之候選人中。選舉其一。而所抱

主張在結合全國男女與政治及政治家相對抗。其所運動者則欲得一商人爲總統。非謂其人曾於營商獲大成功者也。意在得一精明練達之新式候選人能代表公衆之意見而與政客官僚大腹賈等相對敵者。質言之此派中人寔欲得一完全能獨立之美國大國民出而爲總統不爲黨派所牽掣力能剖解一切糾紛斯爲合格。此派未有組織亦無領袖惟於國中頗占勢力他日或步進行結成一強有力之黨派也。記者環游全國其抱此變易政局之志願者正復不少即紐約方面亦復如是嘗親聞一民主黨要人之言曰苟下次政治運動中吾人得一黨或一候選人真能代表獨立進步之美國國民者出而爲總統則其可喜爲何如其人無論屬何黨爲何人吾均不之措意但求其能代表美國社會宣達美國公意勵行美國優美制度則其人斯可貴耳。^四第二派與第一派大同小異爲一般工商業領袖結合而成則真欲得一純粹之大商人爲總統俾可將政府逐漸改組與一強有力之商店相彷彿若輩意中以爲今政府之種種設施上過多糜費而寔力亦頗欠缺故非由商業中人出其營商之靈活手腕爲之改革不可。第三派爲保守派性質之大資本家及舊時政黨中之領袖結合而成若輩則欲得一堅定穩健而有寔力之人出爲白宮之長此派既有資財有勢力並有組織其在今日之美國最占勢力所推舉之候選總統亦不限黨派共和黨可民主黨可卽獨立黨亦無不可此派中人頗爲活動惟皆於幕後竊竊私議謀求一穩健之總統云耳。

內諸地皆有此派之小機關。有金錢。有領袖。人人自命爲美國之救主。而欲於此次大選舉中救美國者也。五第五派爲勞動領袖結合而成。冀由勞動界出組政府。此派組織尙未完備。然亦得人之贊助。各報紙之鼓吹云。以上五派。卽爲美國今日表示政治上之傾向者。五派領袖咸於暗中競相活動。求公衆之贊助。至於結果如何。則須視一千九百二十年十一月中而定。今尙不能決也。

●法國新選舉法之內容

▲格總理之解釋。法國舊衆議院。係於千九百十四年五月選舉。任期四年。法律上至千九百十八年春間業已滿期。因彼時歐戰未終。北部各縣均被德軍占領。以致總選舉不能實行。直至去年冬間始從事選舉。此次新選舉最惹世人注意者。厥爲適用新選舉法一事。本法律於千九百十九年七月十二日始頒布發表。以前各黨人員均感不便。力爲反對。經總理格雷曼蘇氏一再解釋。始得寔施。

▲一八八四制度。法蘭西共和國之選舉。係以郡選舉區制。單記投票制爲骨子。從來政界人物。多反對小選舉區制度。改良之聲。倡道已久。至千八百八十四年。改正選舉法。又復前大選舉區制度。保守黨因此屢博奇捷。共和黨迭次失敗。以故民黨人員。均主張再恢復從前小選舉區制度。爾來三十年間。皆襲郡選舉區制度。

▲卜萊安之提倡。新選舉法提倡者。寔爲前總理卜萊安君。卜氏繼幹伯達遺志。以改正選舉法爲畢生事業。以此與元老院衝突。迫於辭職。戰爭之後。卜氏在野。又極力鼓吹新選舉法。以爲此事與法蘭西改造大有關係。卜氏提倡理由。以爲郡選舉區制度範圍過小。只限於村落小部分之利

益。反之選舉區擴充。則大眾眼光。可以看到一般利益云云。卜氏主張大選舉區制度。並非蔑視地方利害。彼蓋反對中央集權而提倡大地方主義者。此世人不可不知也。

▲比例代表制度。然則此次新選舉法內容如何。請得而論之。此次新制。係由多數代表制與比例代表制折衷而成。以各縣爲選舉區。使候補者聯合。寔行連記投票制度是也。其與舊選舉法之異點。即在舊制度須投票兩次。結果方能明瞭。而新制度則限投票一回。候補者得絕對多數票時。按其票數順序當選。此即多數代表制之作用也。反之。候補者一人不能得絕對多數票。或雖絕對多數票。而其人數不敷議員總數分配時。則適用比例代表制度。茲舉一例說明如下。

▲當選分配方法。假定今有甲乙丙三區。選出議員五名。投票者總數爲七萬五千。則其結果如下。
〔甲組〕天三六、五〇〇。票地三六、一〇〇。玄三五、九〇〇。黃三五、四〇〇。宇三四、八〇〇。〔合計〕一七八、
〇〇〇。〔平均〕三五、七四〇。
〔乙組〕宙二六、三〇〇。洪二六、一〇〇。荒二六〇〇〇。日二五、七〇〇。月二五、
一〇〇。〔合計〕一二九二〇〇。〔平均〕二五、八四〇。
〔丙組〕盈一四五〇〇。昃一四三〇〇。辰一二四〇〇。宿一三二〇〇。列一二七〇〇。〔合計〕六七一〇〇。〔平均〕一三、四一〇。票總數爲七萬五千。故絕對過半數爲三萬七千五百。一時適用比例代表。先以議員選出人數除投票總數。得票爲一萬五千。各組皆得此平均之數。如前舉甲組平均爲三五七四〇。比得數多兩倍。依名單之順序。天地應當選爲議員。乙組平均數爲二五八四。較得數只一倍。保名單順序。僅當選爲議員。丙組平均數爲一三、四二〇。不及得數。故無議員當選。又如三名當選。尙餘兩席。則以平均數最多組之候補者充之。如前爭組之玄黃是也。

以上爲新選舉法之骨子。頗爲繁雜。一般人民。尙未熟悉也。

●世界絲業之概況

法國無線電社巴黎通信柯米氏近在（經濟改革）一書中著有評論云。世界寔業自上古發明迄今仍存在者莫能與蠶絲一業相比。擬蠶絲之源流不易詳考。惟俗傳則以爲必於四千年前發軔於中國。發明後二千年該業於是乎大盛。此說是否確鑿殊難斷定。蠶絲之流入日本定始於西曆紀元一百九十五年時。則華人尙能嚴守製絲之秘密。其時有皇室某親王將中國絲業傳至日本。後更閱八十八年至西曆紀元二百八十三年日本復藉華人而通曉織綢之法。辰有某親王率領移民一隊入籍日本。乃創設絲織廠於日本各地。世俗流傳中國絲業之流入印度及中亞細亞。始於西曆紀元四百十九年。辰則有一中國皇室公主與和闐王結婚。公主下嫁之際冒生命之危險。將桑寔及蠶卵藏匿髮內。携出國境。迨至西曆紀元五百年辰。有波斯修士二人久居中國。熟習育蠶之術。後奉波斯皇之命來華。求取蠶種。藏之竹杖中。携回波斯。於是育蠶之術乃遍傳於四方各國矣。法蘭納氏在美洲商業雜誌中曾披露饒有趣味之研究。惜未探索其源。僅由十九世紀初葉述起。其言曰。十九世紀之初。大宗蠶絲供給地厥爲近東印度意法等國。在一八四〇年及一八五〇年之間。因歐洲各國與中國通商。而中國絲貨悉由上海及廣東兩處輸出。至一八五七年日本亦躍而爲絲貨輸出國。今日乃佔世界之第一席。全世界產絲額及絲業對外貿易。在今日寔佔重要之位置。茲將法蘭納氏所草一九一六年度之法國統計及一九一七年度之各國統計列左。

△產額 日本四三九六二英。中國不詳。意國六三九四英。近東及中亞細亞二三九三英。法國四八五英。美國不詳。英國不詳。瑞士不詳。其他各國七二八英。

▲進口。日本不詳。中國不詳。意國二、七六四。近東及中亞細亞不詳。法國九、七六七。美國三、六五。二一〇。英國一二八。〇〇〇。瑞士一。〇五九。

▲出口。日本三四一六四。中國一四三四四。意國二五一。〇〇〇。近東及中亞細亞不詳。法國三、七九八。〇〇。美國四五七。〇〇。英國一三。〇〇。瑞士一〇〇。

▲銷費。日本九、七九八。〇〇。中國不詳。意國六、六四八。〇〇。近東及中亞細亞不詳。法國六、四五四。〇〇。美國三六、九五。〇〇。英國一二六七。〇〇。瑞士一。〇五八。〇〇。以上所列之數。均爲金磅。中國蠶絲之輸出。雖列第二位。然不可不注意云。蓋目前日本蠶絲之輸出。雖列第一位。而生絲出產最鉅之地。仍爲中國。惟無確鑿統計耳。中國在一九一七年輸出之生絲。計一千四百萬零三十四萬四千磅。約值銀七千九百萬。重要顧客。厥爲法國三百二十萬磅。英國三百萬磅。印度一百五十萬磅。日本在一九一七年輸出生絲三千四百十六萬四千磅。其中百分之九十。輸往法國。是年日本輸出生絲之價值。共達七千八百萬元。歐戰中。歐洲各國之絲業。除瑞士外。皆受戰事之影響。蓋瑞士並不產生絲。進口之絲。亦極少。因近數年來。意國之半熟絲製造品。輸出甚多。而瑞士遂爲絲貨出口最鉅之國矣。一九一七年全世界銷費生絲總額。共達六千三百二十萬二千磅。各國分配之數如下。美國三千六百萬磅。日本九百七十萬磅。意國六百六十萬磅。法國六百四十萬磅。英國一百二十萬磅。瑞士一百萬磅。其他各國七百三十萬一千磅。美國銷費生絲之額。爲最。約佔總數百分之二十三。輸出之人造絲織品。一九一七年八十五萬七千三百十八元。一九一八年輸出之總數。竟達三百餘萬元。其中以絲襪一項。爲最鉅。計達六十三萬一千五百七十一打。值洋二百八十元。五萬云。

●世界產米之統計

中美新聞社云米之間題。在近世界中亦爲一極重要之間題。五大洲產米之數各有不同。以亞洲爲最多。以南美洲爲最少。茲將五洲歷年產米之增減立一統計表如下。

一九〇三至一九〇八年 一九〇八至一九一三年 一九一三至一九一七年

亞洲

一一六二七
四五七六

一三二四八
四九四六

一五九九八
四三七〇

歐洲

五一一八九二
一二一〇七九

四七九二二
一三五三一二

一八二二〇八二
一三四六一〇

北美

七九四八六四
一二一〇七九

九一三一八八
一三五三一二

八七八五〇五
一三〇三一一九

非洲

一二三六
二三一

一二九九
五七六

一三〇三一一九
六一七七

南美

一一二〇七九
一二一〇七九

一二三五
一三五三一二

一三〇三一一九
六一七七

合計其數則一九〇三年至一九〇八年全世界產米之總數爲一一八九二一八六四二畝。(按此爲英
畝約合六萬一九〇八年至一九一三年其總數爲一三五三一二二四三畝。一九一三年至一九一七年則
其總數爲一六二七八二六八六畝年有增加亦可知斯業之發達矣。然亞洲一土產米之多少亦
各不同茲再立表如下。

一九〇三至一九〇八年

一九〇八至一九一三年

一九一三至一九一七年

中國

四四四七
八〇〇〇

五一八九
一〇〇〇

六一七七
六〇〇〇

錫蘭

六八八八五
五六八六

六九六九三六
一三一五

七三五七一八
九〇三九

印度

〇四八四

六一七七
六〇〇七

至一九一三年爲九六六八九一六五噸。一九一三年至一九一七年爲一一九八七一四六○噸。仍以亞洲方面爲多。然亞洲產米多。而食米之多亦推亞洲。茲舉各國人口之數及食米之磅數。立表於下。

	人口總數	食米磅數
中國	三二五。一五六。〇〇〇。〇〇〇	一〇〇。七三〇
印度	三一五。一五六。〇〇〇	九〇七。六九八
安南	一七。〇〇〇。〇〇〇	四〇〇。〇〇〇
日本	七三。〇〇〇。〇〇〇	五。二七〇。〇〇〇。〇〇〇
瓜哇	三六。〇〇〇。〇〇〇	二三。六三〇。〇〇〇。〇〇〇
菲列濱	九。〇〇〇。〇〇〇	一一。一六〇。〇〇〇。〇〇〇
暹羅	八。一五〇。〇〇〇	三。六〇〇。〇〇〇。〇〇〇
		一一。五二六。〇〇〇。〇〇〇

[未完]

●大法國眉黎鄰 (Millerand) 內閣之改組。

法國首相格雷曼蘇公經戰事了結之後。乃招考國中選舉各場合。及國會與新任總統既選定後。公乃呈與總統請辭職歸休。(此所謂大功告成便歸去。非世人貪戀祿位者可比。)於是法總統乃召現領特差爲亞撒盧連二州之總督眉黎鄰公使之組織新內閣。現這內閣所組成之人員如左。

內閣總理(首)兼外交部總長眉黎鄰公 (Alexandre Millerand)

議員 屬下議院

陸軍總長黎批偉 (André Lefèvre)

副長議院

屬元老院

海軍總長鄰低利 (Landry)

議院 屬下議院

司法總長盧悲蘇 (Gustave Lhopiteau)

屬元老院

財政總長謨刪 (Marsal)

原爲銀
行總理

此卽爲法國現內閣之特色。

商部總長衣士覺 (Issac)

屬下
議院

農林總長比歌 (Picard)

農學
技師

工程兼教育總長黎詞露稽 (Le Trocquer)

屬下
議院

屬地總長沙露公 (Albert Sarraut)

屬下議員原
東洋全權

經濟被德殘破之州郡總長烏夷翳 (Ogier)

屬下

民生保險總長遊丁 (Jourdain)

屬下
議院

南風雜誌

民生總長遊丁 (Jourdain)

屬下
議院

觀此則沙露公已得屬地部最高之職權矣。公以開放我南之政策而今日又爲經理屬地之主人翁。然則公必能以其職權爲我南造福。而前此公在東洋對我等所云緊繫之腰帶必自公鬆放之使公之意想之政見有寔行之一日。憶公曾云「我之歸法國也是爲東洋衆子而謀將來之成立也。」吾儕聞公領屬地總長之職能不歡忻鼓舞哉。

△龍全權大人赴落消息——東洋新任全權大人已於正月二十三日已偕貴夫人及各令愛自大法莫車城落船。全權府官吏座及政治廳管理露邦 Robin 公南圻統督黎哥連 Le Galle 公及全權府各官職皆在同行云。

△大法國新任總統——據巴黎西正月十七日電。法國選舉總統。狄沙年 Deschanel 公已獲舉爲法國大總統矣。聞公乃法國文學院與科學院之會員。生於一八五六年。畢業於聖巴伯學校。一八七八年。仁德魯副府尹。以後屢任民政要職。一八八五年被舉爲衆議員。一八九六年被舉爲衆議院副議長。逾二年就正議長職。至一九〇二年止。一九〇五年爲外交委員會會長。一九十二年止。後復被選爲衆院議長。繼續至今。本年一月十五日仍再被選斯任。蓋其人爲數十年來歐洲政治之要人也。中立不屬黨。且富於文學。方此次選舉。惟公與格雷曼蘇公最得多數。仍於複選辰格公固辭不應選。故狄公以七百三十四票對於八百八十九票爲過半數爲當選云。

△中國前總統馮國璋逝世

前總統馮國璋別號河間。爲北洋軍人中直隸派之棟樑。少時曾肄業於保定之蓮池書院。光緒初年棄文就武。乃入北洋武備學堂。當時與段祺瑞、王士珍有三傑之目。畢業後隨袁練兵小站。任爲管帶。後爲保定將弁學堂總辦。光緒三十一年十二月。充任爲貴胄學堂辦事。呈請政府設立練兵處。清廷是之。任爲練兵處總辦。規畫條繕都出其手。光緒三十三年。升任爲陸軍部副大臣。創辦禁衛軍。宣統三年。武昌起義。任爲第一軍司令官。克漢口下漢陽。授爲男爵。旋袁段等傾向共和。而南北議和。清廷退位。共和抵成。河間寔有力也。民國元年九月。被任爲直隸都督。二年十二月。轉任江蘇都督。與南方多所接近。袁氏專制自稱之際。擁護共和。不遺餘力。五年十月。被舉爲第二任副總統。六年七月。張勳復辟。黎元洪辭職。乃於八月一日。自甯入京。代理總統。去年退職。優遊京津間。然於國事多所建議。始終主張和平。此次在京。因抱病已久。忽於十二月二十八日夜。薨於北京邸第。享齡六十二歲云。

◎ 恭瞻黎廟有感

清化陳文因來稿

我國後黎太祖藍山起義。削平明寇。起於戊申一千四百二十八年。經二十八君。至丁未一千七百八十七年。愍皇帝(昭)。爲西山阮惠所脅。逋播清國。身亡異域。計黎氏享國三百五十九年。亦已於我南歷史上留偉大之功業。至今昇龍之旗臺猶在。玉山之劍影仍留。考古者想不應以世遠年湮視之也。本朝開疆南服。奉我世祖高皇帝。憫黎氏之失國。痛西山之擾攘。於是率外鎮之兵。

清帝側之賊。收復全國。統一山河。其辰遍尋黎後。繼統無人。迫於天命所歸。人心所嚮。故我世祖不得不於壬戌一千八百零二年。位正九五。定鼎春京。蓋本朝之政策在南進。故以春京爲宅中地也。周武王得天下。封箕氏以續殷祧。漢高祖入關中。爲義帝而發縗素。帝王之興。常以綱常爲重。我世祖於得國後。念黎朝之勳業。迎昭統帝神柩於清國。率百官以禮葬之。復以清化省爲黎氏發祥地。於附城東山縣之布衛社建廟。由昇龍城迎二十八帝神位。及昔辰御用之玉宸古玩。陳設奉事。歲辰忌饗。示不忘本。自此至今百年。以久有黎一代帝王之靈。寔式憑之。乃不謂今日

之黎廟何如乎。廟庭生苔。殿簷圯瓦。廟之前殿近日朽圯所在民以草蓋之萬古綱常之柱。蠹蟻橫行。四方藩屏之牆。鼠狐睥睨。齧蝕班班有紋廟內寢樑柱已見出帝之靈車在矣。恩猶戀於燕巢。前王之玉宸巍然。義誰誅於蜘蛛。我昭統帝之靈

車尚留於廟內古境沉沉而滅影。銅鐘寂寂以無聲。鶴馬傷神。蛟麟變色。藍山翠鳥。顛倒於牆隅。占城將軍徘徊於柱下。及占城將兩人跪捧香廟內有鑿藍山翠鳥形斜陽屋角窺今古。寒蟀階前數盛衰。悲乎傷哉。今日之黎廟乎。令人遊其地者。不覺惻然心感也。夫黎廟雖不降人以禍福。而綱常所在。禮義猶存。吾儕國民對古之觀念何如也。十方善信。猶崇拜於印度之釋迦。滿地靈祠。尙虔事於中華之關帝。卽至主未亦有廟。

柳杏亦有祠。而却於我舊朝二十八帝所寄托英靈之古殿。我世祖高皇帝所敬事先朝之遺址。安忍以路旁廢刹。野外荒祠視之也。普願我清化省民。或耆夙者。或豪富者。聯合同人。單乞本省列憲大人。捐集以崇修古廟。想當道所樂許。而南北好義之士。亦多贊成。夫李宮陳殿。北圻之民。猶年年修補而香火之。何況我清化省轄人。爲兩朝帝邑之近民也。嗟乎。視今視昔。此理此心。吾儕國民。當如何不失忠厚之道。